

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 242283 24 St
Zenica, 08.05.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja Društvo za proizvodnju i usluge „CONSIDER“ d.o.o. Vareš, skraćena oznaka firme „CONSIDER“ d.o.o. Vareš, ul. Industrijska br.2., Vareš, koga zastupa punomoćnik Salih Lemeš, advokat iz Visokog, MBS: 43-01-0256-10 (stari broj-1-9227), odlučujući o prijedlogu likvidatora, donio je van ročišta, 08.05.2026. godine sljedeće:

RJEŠENJE

OTVARA SE STEČAJNI POSTUPAK nad imovinom stečajnog dužnika Društvo za proizvodnju i usluge „CONSIDER“ d.o.o. Vareš, ul. Industrijska br.2., Vareš, glavni račun stečajnog dužnika otvoren kod SPARKASSE BANK d.d. BiH, broj: 1990470005650880, dana 08.05.2026. godine u 15:00 sati.

Za stečajnog upravitelja, sa liste stečajnih upravitelja, imenuje se Ilmir Brkić, G.Vratonica br.115., Visoko.

Pozivaju se vjerovnici da u roku od 30 dana od dana objave ovog rješenja u „Službenim novinama“ Federacije BiH, prijave svoje tražbine koje imaju prema stečajnom dužniku podnošenjem prijave Općinskom sudu Zenica na broj: 43 0 St 242283 24 St, uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos tražbine, kao i broj svog računa kod poslovne banke.

Pozivaju se vjerovnici da stečajnog upravitelja u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osiguranu tražbinu.

Pozivaju se dužnici stečajnog dužnika da svoje obveze bez odlaganja izmire.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaju“, a u rubrici „Lica ovlaštena za zastupanje subjekta upisa“ umjesto imena i prezimena direktora, upišu ime i prezime stečajnog upravitelja.

Nalaže se zemljišnoknjižnim uredima i nadležnim katastarskim operatima, kod kojih se vode nekretnine stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 25.08.2026. godine u 12,00 sati, u zgradi Općinskog suda Zenica, te se na isto pozivaju vjerovnici stečajnog dužnika koji podnesu prijavu tražbine, kao i stečajni upravitelj.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit će se izreka rješenja.

O b r a z l o ž e n j e

Predlagatelj Društvo za proizvodnju i usluge „CONSIDER“ d.o.o. Vareš, podnijelo je prijedlog za provođenje likvidacionog postupka 29.04.2019. godine.

Ročište za zaključenje likvidacionog postupka održano je 21.11.2019. godine, 14.02.2020. godine, 18.09.2020. godine i 05.03.2026. godine. Likvidator je na ročištu za zaključenje likvidacionog postupka predložio da se postupak prevede u stečaj, pa je sud donio Rješenje da se spis prevede u stečaj.

Likvidator je na ročištu za utvrđivanje uvjeta za otvaranje stečajnog postupka održanom 27.04.2026. godine izjavio da ukupno dugovanje lica u likvidaciji iznosi 1.448.700,00 KM, a vrijednost imovine procijenjena po vještaku finansijske struke iznosi 1.014 421,25 KM, pa se prema tome ne može

provesti postupak likvidacije, te je predložio provođenje stečajnog postupka, s obzirom da je imovina dovoljna za pokriće dijela potraživanja povjerilaca i troškova stečajnog postupka. Likvidator je također izjavio da ostaje kod Izvještaja od 29.01.2024. godine.

Punomoćnici povjerioca na ročištu su saglasno izjavili da nemaju pitanja niti primjedbi na izvještaj Likvidatora kao ni na prijedlog da se otvori stečajni postupak.

Sud je nakon uvida u dokaze priložene u spis, kao i u Izvještaj likvidatora, odlučio kao u izreci.

Sud je pored navedenog ovim rješenjem odredio dan i sat otvaranja postupka, imenovao stečajnog upravitelja sa liste stečajnih upravitelja, pozvao vjerovnike stečajnog dužnika da prijave tražbine i vjerovnike sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoje tražbine, te je odredio i dan i sat za koji je zakazano ispitno i izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21 i 19/25), budući da je naprijed navedeno i potrebno da sadrži rješenje o otvaranju stečajnog postupka.

PRAVNA POUKA

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, putem ovog suda.

Stečajna sutkinja
Sanja Pavlić